



INFORMATIVNI BILTEN  
OPĆINE ILIDŽA

Ilidža • April/Maj 2019  
• Broj 181







## REDOVNA SJEDNICA OPĆINSKOG VIJEĆA



### Za učenike i studente slabijeg imovnog stanja 160.000 za stipendije

Općinsko vijeće Ilidža na 27. redovnoj sjednici održanoj 30. maja 2019. godine u sali Općine Ilidža donijelo je Plan stipendiranja učenika i studenata slabijeg imovnog stanja u školskoj/akademskoj 2019/2020. godini. Godišnjim planom stipendiranja učenika i studenata

planiraju se i ukupna budžetska sredstva potrebna za stipendiranje u iznosu od 160.000 KM. Mjesečna stipendija za učenike iznositi će 75 KM, a za studente 100 KM.

### Prodaju se dva općinska vozila

Odluka o prodaji službenih motornih vozila u vlasništvu Općine Ilidža bila je jedna od tačaka koja se nalazila pred vijećnicima na ovoj sjednici. Tom odlukom koju je odobrilo Općinsko vijeće prodat će se dva službena putnička motorna vozila u vlasništvu Općine Ilidža. Prodaja motornih vozila obaviti će se putem javnog nadmetanja - licitacije uz objavu u dnevnom listu Oslobođenje i web stranici Općine Ilidža. Prodaju će izvršiti Komisija za provođenje javnog nadmetanja, koju će posebnim rješenjem imenovati Općinski načelnik. Početne prodajne cijene za vozila iz člana i dobivene su po osnovu nalaza i mišljenja stalnog sudskog vještaka saobraćajne struke. Navedena vozila su dotrajala; vozilo marke Golf 4 1J TDI je staro 16 godina i dva mjeseca (na dan vještačenja), a vozilo Škoda Fabia 6Y je stara 13 godina i 4 mjeseca (na dan vještačenja). Ukupna tržišna vrijednost oba vozila iznosi 6.290,00 KM. Popravka predmetnih vozila je nerentabilna, te je Služba za zajedničke poslove iz navedenih razloga predložila da se vozila prodaju.

### Potreba za jednim zamjenikom pravobranioca

Općinsko vijeće Ilidža na 27. redovnoj sjednici donijelo je Odluku o izmjenama odluke o pravobranilaštvu Općine Ilidža. Pravni osnov za donošenje Odluke o izmjenama Odluke o pravobranilaštvu Općine Ilidža utvrđen je članom 57a Zakona o izmjenama i dopunama zakona o pravobranilaštvu Kantona Sarajevo, te zaključkom Općinskog vijeća Ilidža. U skladu sa Izvještajem o radu Pravobranilaštva Općine Ilidža za 2018. godine, Općinsko vijeće Ilidža donijelo je navedeni Zaključak kojim podržava prijedlog Pravobranilaštva da se izvrši izmjena Odluke o pravobranilaštvu općine Ilidža i dopuni sa povećanjem za još jednog zamjenika, te da se po potrebi popuni to radno mjesto, a sve zbog povećanog obima poslova i činjenice da poslove trenutno obavljaju pravobranilac i jedan zamjenik, dok je drugi zamjenik već duže vrijeme odsutan. Na osnovu navedenog Zaključka, kao i činjenice da se poslovi Pravobranilaštva svakodnevno povećavaju, kako u pogledu sudskih sporova, tako i u pogledu internih poslova (davanje pravnih mišljenja, zaključivanje sporazuma, pružanje pravne pomoći i drugo), te da se odsutni zamjenik pravobranioca još uvijek nalazi na bolovanju, to je neophodno dopuniti odluku u smislu broja izvršilaca, odnosno odluku dopuniti sa radnim mjestom za još jednog zamjenika pravobranioca, tako da umjesto dva imaju tri zamjenika.



## REDOVNA SJEDNICA OPĆINSKOG VIJEĆA



### Izvještaj boračkih udruženja

Jedna od tačaka koja je izazvala najviše polemike je bio izvještaj boračkih udruženja o redovnim djelatnostima.

Svako moderno društvo i država sa višeparlamentarnom demokratijom sastoji se od tri sektora i to: javni sektor, biznis sektor i nevladin sektor, kao što su države EU, SAD, islamske države i države koje baštine višeparlamentarnu demokratiju. Za funkcionisanje navedenih sektora u svakom savremenom društvu i državi je regulisano ustavom, zakonima i podzakonskim aktima, pa tako i u BiH Zakonom o udruženjima i fondacijama BiH, entiteta i u FBiH kantona. Nvladin sektor čine udruženja, humanitarne organizacije i fondacije. U FBiH je usvojen Zakon o udruženjima i fondacijama koji je usvojio Parlament FBiH oba doma 2002. godine, obrazlaže se u Izvještaju o redovnim djelatnostima boračkih udruženja. Na zahtjev Službe za boračka pitanja u decembru 2018. godine da podnesu izvještaj o redovnim aktivnostima i implementiranim projektima za 2018. godinu, dostavljeni su joj izvještaji 23 boračka udruženja općine Ilidža. Za njihov rad kako se navelo izdvaja se 680.000 KM. Te izvještaje o redovnim djelatnostima i implementaciji projekata boračkih udruženja Vijeće je prihvatilo.

### Imenovanja u komisijama

Komisija za obrazovanje, kulturu, fizičku kulturu i pitanja mladih Općinskog vijeća je konstatovala da u radu ovog stalnog radnog tijela postoji problem prilikom održavanja sjednica iz razloga jer je predsjednik ove Komisije, Dževad Poturak 06. 11. 2018. godine, dobio mandat u Skupštini Kantona Sarajevo tako da od tog datuma ova Komisija nema predsjednika. Vijeće je na tu poziciju imenovalo Dinu Jajagića.

Vijeće je imenovalo i Mirsada Palića (SBB) za člana Komisije za boračka pitanja, rad, zdravstvo i socijalnu politiku umjesto Senada Talovića.

### Informacija o realizaciji integrisanog sistema radio komunikacija i sistema za oglašavanje i uzbunjivanje građana

Vijeće je na sjednici razmatralo i Informaciju o realizaciji Glavnog projekta integrisanog sistema radio komunikacija i sistema za oglašavanje i uzbunjivanje građana za potrebe civilne zaštite Općine Ilidža koju je primilo k znanju, a kojim je predviđeno opremanje operativnog centra civilne zaštite savremenom opremom i tehnologijom. Projektom je obuhvaćen sistem radio komunikacija u VHF frekventnom području i sistem za oglašavanje i uzbunjivanje građana, organa općine Ilidža, a u svrhu osiguranja efikasnog funkcionisanja i upravljanja civilne zaštite u slučajevima vanrednih okolnosti.

### Informacija o radu drugostepene stručne komisije Vijeća

Vijeće je primilo k znanju Informaciju o radu Drugostepene stručne komisije Općinskog vijeća Ilidža za period od 1. januara do 31. marta 2019. godine. Komisija je u izvještajnom periodu, a u okviru propisanih nadležnosti poduzimala propisane radnje, vodila aktivnosti u cilju rješavanja po žalbama, te u zakonom propisanim rokovima provela žalbene postupke i donijela odluke i riješila sve zaprimljene predmete. Komisija je u izvještajnom periodu održala dvije sjednice na kojima je razmatrala dva predmeta i to dvije žalbe, te sumirala rad u 2018. godini.





## REDOVNA SJEDNICA OPĆINSKOG VIJEĆA

## Rebalansom budžet 43.500.000 KM

Općinsko vijeće Ilidža na 26. redovnoj sjednici 8. maja 2019. u Multifunkcionalnoj sali donijelo je Izmjene i dopune Budžeta Općine Ilidža za 2019. u iznosu od 43.500.000,00 KM. Amandmanima vijećnika na sjednici najveća povećanja su između ostalog na kapitalnim projektima 20.679.991,44 KM, jednokratnim novčanim pomoćima 690.000 KM, za stipendije 690.000 KM, sport 749.147, 24 KM, te izdvajanja za kulturno-sportske ustanove 474.000 KM.

Prema ovim izmjenama prihodi od poreza iznose 15.193.133,84 KM, neporezni prihodi 13.090.021,21 tekući transferi 3.540.832,18, prihodi po osnovu zaostalih obaveza 1.000,00, prenos dijela viška prihoda iz 2011.godine 60.111,51, prenos dijela viška prihoda iz 2012.godine 19.959,39, prenos dijela viška prihoda iz 2013.godine 765.367,48, prenos dijela viška prihoda iz 2014.godine 110.653,01, prenos dijela viška prihoda iz 2015.godine 279.997,36, prenos dijela viška prihoda iz 2016.godine 323.136,19, prenos dijela viška prihoda iz 2017. godine 3.210.559,60, prenos dijela viška prihoda iz 2018. godine 6.905.228,23 KM. Kad su u pitanju rashodi iznose 39.676.800,81 KM, a kapitalni izdaci 3.823.199,19 KM. Općinsko vijeće Ilidža 27. decembra 2018. donijelo je Budžet Općine Ilidža za 2019. godinu. U međuvremenu, Općina Ilidža je, u skladu sa zakonom, sprovela sve aktivnosti vezane za popis imovine, obaveza, potraživanja, novčanih sredstava, izvršila godišnje rashode i otpise u skladu sa preporukama popisnih komisija, sačinila i predala završni račun i godišnje finansijske izvještaje u propisanim rokovima. Utvrđeni višak prihoda nad rashodima za 2018. godinu je Prijedlogom Odluke o rasporedu viška prihoda nad rashodima Općine Ilidža za 2018. godinu usmjeren - prenesen u 2019. godinu za određene djelatnosti i kapitalni projekat - rješavanje imovinsko-pravnih odnosa i nastavak izgradnje saobraćajnice Ilidža-Hrasnica sa izgradnjom tramvajske pruge definisan Akcionim planom za realizaciju Strategije razvoja Općine Ilidža za 2019. godinu, koji je od interesa su za većinu građana kojima se podupiru nastojanja za ravnomjeran razvoj teritorije općine Ilidža, tako da je sačinjen Prijedlog Izmjena i dopuna Budžeta Općine Ilidža za 2019. godinu sa 28.570.000,00 KM na 43.500.000,00 KM.

## Usvojen izvještaj o izvršenju Budžeta za 2018. godinu

Općinsko vijeće je na 26. sjednici usvojilo Izvještaj o izvršenju Budžeta za 2018. godinu. Ukupno ostvareni prihodi i primici KM iznose 30.051.308,32 KM, od toga prihodi od poreza KM iznose 15.134.367,87 KM porezni prihodi i prihodi po osnovu zaostalih obaveza KM 11.579.001,14, tekući transferi KM 3.337.339,31, prihodi i primici KM 30.050.708,32 KM. Ukupno izvršen raspored prihoda i primitaka iznose 28.345.465,81, tekući rashodi 10.495.427,19, tekući transferi KM 5.169.911,81, kapitalni transferi KM 12.107.983,07, tekući rashodi 27.773.322,07 KM, kapitalni izdaci KM 572.143,74 3. Razlika između ostvarenih prihoda i primitaka i rashoda i izdataka KM 1.705.842,51 za 2018.godinu prenosi se u Budžet za 2019.g. čiji raspored će biti izvršen posebnom Odlukom.



## Izvještaj o radu i finansijskom poslovanju JU KSC Ilidža

Općinsko vijeće je na sjednici usvojilo Izvještaj o radu Javne ustanove kulturno-sportski i rekreacioni centar Ilidža i Izvještaj o finansijskom poslovanju za period 1. januar-30. juni 2018. godine. Kulturno-sportski i rekreacioni centar je javna ustanova od posebnog društvenog interesa čiji je osnivač Općina Ilidža, kroz čiju se programsku aktivnost i djelatnost zadovoljavaju potrebe stonovnika i udruženja sa područja općine Ilidža i šire u oblasti sporta, kulture i rekreacije. U tom pravcu učinjeni su značajni napor na poboljšanju uslova za održavanje kulturnih i sportskih manifestacija od lokalnog, državnog i međunarodnog značaja. Aktivnosti u izvještajnom periodu realizovane su u objektima univerzalne sportske dvorane, dvorane za borilačke sportove, otvorene sportske plohe, ljetne pozornice i multi-medijalne sale, a odvijale su se kroz nastavu sporta, utakmice, treninge, rekreaciju, sportske i kulturne manifestacije. U univerzalnoj dvorani "Sabit Hadžić" odigrano je 93 utakmice, 1994 treninga, te 188 termina koji su korišteni u svrhu rekreacije. Na osnovu šestomjesečnog i godišnjeg izvještaja koje dostavljaju osnivaču Općini Ilidža, evidentno je da JU KSİRC "Ilidža" u dosadašnjem radu, ostvarilo pozitivno poslovanje, uz redovnu isplatu ličnih dohataka sa uplaćenim doprinosima, kao i izmirenim poreskim obavezama.





## REDOVNA SJEDNICA OPĆINSKOG VIJEĆA



### Informacija o zimskom održavanju saobraćajnica

**I**nformacija o zimskom održavanju saobraćajnica na području općine Ilidža za 2018/2019. godinu, bila je jedna od tačaka o kojoj su raspravljali općinski vijećnici na 26. redovnoj sjednici.

Analize stanja u oblasti zimskog održavanja cesta na području općine Ilidža za 2018-2019. godinu bazirane su na tretmanu uklanjanja snijega sa kolovoza sa pratećim aktivnostima neophodnim za nesmetano odvijanje saobraćaja vozila i pješaka. Vijeće je primilo k znanju ovu informaciju uz zaključak da se prilikom izrade tenderske dokumentacije pooštre određene kriterije kako bi se kroz postupak javne nabavke izbjegl dosadašnji propusti u izvođenju radova, te da se za period 2020-2022. godine poveća ukupna dužina zimskog održavanja ulica prvog prioriteta, kao i da ulice drugog i trećeg prioriteta budu obuhvaćene zimskim održavanjem u skladu sa važećim propisima. Zimsko održavanje saobraćajnica provođeno je u periodu od 15. novembra 2018. do 15. marta 2019. godine po utvrđenim prioritetima sa određenim i osposobljenim bazama i mehanizacijom opremljenom za izvođenje radova. Nadzor nad poslovima zimskog održavanja lokalnih cesta provoden je putem Službe za razvoj, komunalne poslove i puteve uz pomoć sekretara mjesnih zajednica.

### Informacija o provođenju Zakona o dopunskim pravima boraca

**V**ijeće je na sjednici primilo k znanju i Informaciju o provođenju Zakona o dopunskim pravima boraca-branitelja BiH Kantona Sarajevo za period od 1. januar do 31. decembra 2018. godine. U Informaciji je istaknuto da pripadnici boračke populacije, putem Službe, na brz i efikasan način mogu ostvariti prava koja joj pripadaju u skladu sa Zakonom kojim su uređeni uslovi, način i postupak za ostvarivanje prava ratnih vojnih invalida i članova njihovih porodica, članova porodica šehida, članova porodica poginulih, umrlih i nestalih branitelja i prava demobilisanih branilaca dobitnika ratnih priznanja i odlikovanja, ratnih vojnih zarobljenika i demobiliziranih branitelja kao i lica zaslužnih u odbrambeno-oslobodilačkom ratu.

### Irma Čenanović nova članica Komisije za statut i propise

**V**ijeće je prihvatilo i prijedlog Prve stranke za izmjenu člana, Ibrahimovic Anele, u radnom tijelu Komisije za statut i propise sa novim članom, a to je Irma Čenanović.





## Održana tematska sjednica Općinskog vijeća Ilidža



Općinsko vijeće Ilidža 13. maja 2019. godine održalo je tematsku sjednicu „Rješavanje pitanja pružanja komunalnih usluga na području općine Ilidža u oblasti vodovoda, kanalizacije, gradskog prevoza, komunalnog otpada, čistoće javnih površina sa osvrtom na kapitalne investicije” u sali Općine Ilidža. Neredovan gradski prijevoz, loš odvoz smeća, loše vodosnabdjevanje, prljave ulice, samo su neki od primjedbi koji su se čuli na ovoj sjednici, a ujedno se i tražili i odgovori od nadležnih. Sjednici su prisustvovali direktori javnih preduzeća KS koji su informisali vijećnike o angažiranosti njihovih javnih preduzeća na području općine Ilidža. Sjednici je prisustvovao i ministar saobraćaja Kantona Sarajevo Adnan Šteta koji je u svom izlaganju izrazio spremnost Ministarstva saobraćaja i Vlade Kantona Sarajevo u rješavanju gorućih problema, a tiču se saobraćaja.

Vijeće je donijelo zaključak da u cilju što kvalitetnijeg pružanja komunalnih usluga građanima općine Ilidža, Skupština Kantona Sarajevo donese Zakon o lokalnoj samoupravi kojim će precizno biti utvrđene nadležnosti između općina, grada i kantona u oblasti obavljanja komunalnih djelatnosti u Kantonu Sarajevo.

Općinsko vijeće Ilidža zahtjeva da sva javna komunalna preduzeća u Kantonu Sarajevo prilikom donošenja svojih godišnjih planova omoguće da općine budu aktivni sudionici donošenja planova izrade, kao i da usvojeni godišnji planovi svih javnih komunalnih preduzeća budu javno dostupni na web stranici Kantona Sarajevo. Zbog činjenice postojanja skoro 7.000 - 10.000 bespravnih korisnika vodovodnog i kanizacionog sistema na području općine Ilidža, Općinsko vijeće zahtjeva da Ministarstvo komunalne privrede i KJKP “VIK” sa Općinom ilidža urgentno sklope sporazum između Općine Ilidža i KJKP “VIK” kako bi se ovaj problem urgentno privremeno riješio. Općinsko vijeće zahtijeva i da Ministarstvo komunalne privrede i infrastrukture putem Vlade i Skupštine Kantona Sarajevo izradi i dostavi na usvajanje izmjene zakona i podzakonskih akata u ovoj oblasti a sve sa ciljem da se napokon na sistemski način riješi problem velikog broja građana Općine Ilidža koji su bespravni korisnici sistema KJKP “VIK”, a što je svakako u interesu i građana ostalih općina u Kantonu Sarajevo.

Općinsko vijeće zahtjeva da Ministarstvo saobraćaja Kantona Sarajevo hitno donese novi Pravilnik o uslovima,

načinu i specifičnosti organizacije obavljanja javnog linijskog prevoza putnika u Kantonu Sarajevo koji će omogućiti da se u Kantonu Sarajevo ažurnije vrši registracija novih autobuskih stajališta kao i modifikacija postojećih autobuskih i minibuskinih linija, jer Općina Ilidža već duži vremenski period zahtjeva uspostavljanje autobuske linije Hrasnica-Vijećnica, minibuske linije Ilidža-Lužansko polje kao i korekciju autobuske linije Ilidža-Hrasnica. Potrebno je sa KJKP “RAD” u kontinuitetu raditi na unapređenju stanja komunalne higijene na području općine Ilidža uz pojačanu kontrolu i rad komunalnih inspektora u segmentu nekontrolisanih divljih deponija komunalnog i građevinskog otpada uz riječna korita i u vodozaštitnoj zoni.

Vijeće zahtijeva dodatne aktivnosti na uvođenju odvojenog selektivnog prikupljanja kućnog otpada u objekte individualnog stanovanja na cijelom području općine Ilidža, kao i pojačanu kontrolu inspekcijskih organa nad pravnim licima na području naše općine koja ne posjeduju vlastite posude za odlaganje otpada, čime bi se znatno rasteretile posude namijenjene građanstvu a samim tim poboljšalo bi se stanje komunalne čistoće. Potrebno je da Općina Ilidža u saradnji sa KJKP “RAD” organizuje redovne akcije čišćenja naše općine u kojoj trebaju biti uključeni savjeti mjesnih zajednica, ekološka udruženja i svi građani Općine Ilidža. Općinsko vijeće pokreće inicijativu prema Federalnom ministarstvu prometa i komunikacija za izmjenu Pravilnika o minimalnim tehničkim uslovima za izgradnju i upotrebu autobuskih stajališta. Ovakvo zakonsko rješenje onemogućava općini da gradi autobuska stajališta na lokalnim cestama i predlaže se, da se navedeni Pravilnik izmjeni, u smislu da se na lokalnim cestama stajališta mogu uspostaviti i na kolovozu uz propisno obilježavanje. U cilju unaprijeđenja stanja održavanja javnih zelenih površina na području općine Ilidža, a zbog činjenice da je Ilidža turistička općina Vijeće zahtijeva dodatni angažman KJKP “PARK” na poslovima održavanja javnih i rekreativnih površina naše općine. Općinsko vijeće traži da Ministarstvo komunalne privrede i infrastrukture u skladu sa Uredbom o uređenju i održavanju zelenih i rekreativnih površina u Kantonu Sarajevo obezbijedi potrebna finansijska sredstva koja su neophodna za održavanje dječijih i sportskih igrališta na području naše općine.





## Potpisan Sporazum o rekonstrukciji saobraćajnice i pješačke staze u ulici Stara pruga Osik

**N**ačelnik Općine Ilidža prof. dr. Senaid Memić, direktor Direkcije za puteve Kantona Sarajevo Selmir Kovač i direktor firme Bosman Sunija Jahić potpisali su 15. maja 2019. u Kantonu Sarajevo Sporazum o rekonstrukciji saobraćajnice i pješačke staze u ulici Stara pruga Osik.

Ukupna vrijednost projekta je 1.429.972, 83 KM, od čega će Direkcija izdvojiti 1.050.000 KM, a Općina Ilidža 100.000 KM. Kako je rekao direktor Kovač rekonstruisat će se 1.235 metara saobraćajnice po postojećoj trasi uz proširenje kolovoznih traka oko tri metra, dok će se pješačka staza raditi uz saobraćajnicu obostrano u oba smjera.

“Bit će urađena i kompletna odvodnja ceste uz izgradnju kolektora, jer je asfalt uništen, a tom saobraćajnicom se svakodnevno kreću vozila javnog gradskog prijevoza. Planirano je da se napravi i nova okretница za ta vozila”, dodao je Kovač.

Prema riječima načelnika Memića rekonstrukcijom ove saobraćajnice riješit će se problemi s kojima se svakodnevno susreće lokalno stanovništvo i poboljšati komunikacija između naselja, a ujedno će se napraviti i rezervni ulaz, odnosno kratica koja vodi prema Blažuju, nastavku autoputa i prema Vlakovu.

“Taj put može biti koristan i za privrednike i stanovništvo. Investicija je dogovorena i nadamo se da ćemo vrlo brzo obradovati stanovništvo” izjavio je načelnik Memić.

Izvođač radova direktor Jahić uvjerenja je će njegova



firma sve zadano u projektu, riješiti u predviđenom roku. Ministar saobraćaja u Vladi Kantona Sarajevo Adnan Šteta izrazio je spremnost Vlade da učestvuje u svim značajnim projektima za građane Ilidža. “U okviru ovog projekta bit će izgrađene nove četiri niše za autobuska stajališta. Rekonstrukcija ove ceste trebala se izvoditi periodično, ali je resorno ministarstvo odlučilo da se to završi u ovoj godini”, naglasio je ministar saobraćaja Kantona Sarajevo Adnan Šteta. On je dodao da će u ovoj 2019. godini na području općine Ilidža početi obnova Velike aleje, rekonstrukcija Rustempašine ulice, kružnog toka na M17, kao i asfaltiranje parkinga na Vlakovu.

## Nabavljeno vozilo vrijedno 250.000 KM i dato Službi zaštite i spašavanja JP “Ilidža”

**U** cilju što efikasnijeg djelovanja u prirodnim i drugim nesrećama, kao i preventivnog djelovanja, Općina Ilidža je i ove godine nastavila sa opremanjem svojih službi zaštite i spašavanja, kao najorganizovanijih operativnih snaga u sistemu zaštite i spašavanja.

Nabavljeno je teretno vozilo sa kiperom i trostranom dizalicom, koje može djelovati i u najekstremnijim uslovima. Vrijednost novonabavljenog vozila je 250.000,00 KM, a dat će se na korištenje Službi zaštite i spašavanja za čistoću i asanaciju terena formiranu u JP “Ilidža”.

Načelnik Općine Ilidža prof. dr. Senaid Memić i direktor JP Ilidža Adnan Cvijetić potpisali su Ugovor o korištenju ovog vozila, 12. aprila u Općini Ilidža.

Nakon toga načelnik Memić uručio je ključeve ovog vozila direktoru JP Ilidža.

“Želimo da razvijemo sistem zaštite i spasavanja i to tako da svaki građanin bude osposobljen da reaguje u kriznim situacijama, a da su tu naše službe koje moraju da budu

opremljene kako bi im adekvatno pomogle” izjavio je načelnik Memić, te dodao da će se nastaviti sa opremanjem Civilne zaštite, a ujedno navodeći da je jednako važno i jačati svijest kod građana o zaštiti i spasavanju.

Direktor Cvijetić je zahvalio Općini Ilidža, ističući da će na ovaj način biti ojačan sistem zaštite i spasavanja.







## Općina Ilidža donirala još jedan traktor PD Butmiru

Općina Ilidža donirala je KJKP "PD Butmir" traktor marke KUBAT, snage 24 KS sa priključcima u svrhu obnavljanja mehanizacije, brže i dalje stabilizacije te uspješnog i dugoročnog poslovanja ovog preduzeća, a što predstavlja društveni interes. Iz Budžeta za ove namjene izdvojeno je 50 hiljada KM.

U krugu dvorišta firme PD "Butmir" načelnik Općine Ilidža prof. dr. Senaid Memić uručio je ključeve u ruke Elviru Resiću, direktoru ovog preduzeća.

"U ime svih uposlenika PD "Butmir" zahvaljujem Općini Ilidža i načelniku Memiću na izuzetno vrijednoj donaciji. Bez podrške ovo preduzeće bi teško radilo, i naša saradnja se nastavlja i dalje. Kad osmislimo projekat i uočimo problem, Općina Ilidža je prvi sagovornik i imaju uvijek razumijevanja" izjavio je Resić, dodavši da u ovom preduzeću ima 920 grla krava.

"Nastavljamo saradnju sa ovim preduzećem i naša izdavanja u budžetu za poljoprivredu su više socijalna. Meni je



izuzetno drago da na ovaj način, ovom mašinom možemo pomoći preduzeće PD Butmir i nadam se da je u pravo vrijeme" rekao je načelnik Memić.

## Prezentacija „Gradski marketing i koncesije“

U Općini Ilidža 29. aprila 2019. godine održana je prezentacija „Gradski marketing i koncesije“, i Evropski fondovi i lobiranje.“

Načelnici općina, Ilidža, prof. dr. Senaid Memić, Stari grad, Ibrahim Hadžibajrić, Centar, Nedžad Ajnadžić i Trnova, Ibro Berilo, prisustvovali su prezentaciju koju je organiziralo Bosanko - mađarsko društvo.

Kako je rečeno na prezentaciji cilj je da se povežu općine i gradovi kako bi zajedno sa ovim društvom aplicirali ka evropskim fondovima.



## Borba protiv korupcije

Korupcija kao raširen fenomen, potkopava dobro upravljanje, ometa razvoj i narušava zdravu konkurenciju, povećava troškove poslovanja, umanjuje kvalitet proizvoda i usluga dok istovremeno nagrizava pravdu i stvara osjećaj nesigurnosti. Borba protiv korupcije je najveća odgovornost svih vlasti, ona treba biti svijest i aktivizam da se kao društvo možemo promijeniti. Prema izvještajima relevantnih institucija, postoji sve više dokaza da naponi u borbi protiv korupcije doprinose promovisanju transparentnosti i odgovornosti u procesima donošenja odluka. Iako je korupcija teško mjerljiv fenomen, zbog njene kompleksnosti, pojavljuje se sve više dokaza o korelaciji između indikatora korupcije i indikatora ekonomskog razvoja. Prepoznajući značaj borbe protiv korupcije te prateći svjetske tokove u svrhu onemogućavanja korupcije, Općina Ilidža, kao odgovorna organizacija, prva je u Bosni i Hercegovini krenula u realizaciju politike suzbijanja ovih negativnih pojava koje proizvodi korupcija. Realizacija ove politike se ostvaruje uvođenjem sistema upravljanja borbe protiv korupcije koja predstavlja međunarodnu normu prema zahtjevima standarda EN ISO 37001:2016. Obzirom da se krenulo u realizaciju

uvodenja ovog međunarodnog standarda, u Multimedijalnoj sali Općine Ilidža 28.maja 2019. godine je održana radionica na kojoj je implementator ovog standarda, Sevoi Grupa d.o.o., sa projektnim timom općine zaduženim na realizaciji ovog standarda, radio na usklađivanju internih dokumenata Općine Ilidža zbog zadovoljenja specifičnih zahtjeva koja propisuje ovaj standard.







## Asfaltirano sedam ulica

**N**a području općine Ilidža završeno je asfaltiranje sedam ulica, u čiju rekonstrukciju iz Budžeta je izdvojeno 262.780,00 KM. Okončana je rekonstrukcija ulice dr. Munira Gavrankapetanovića u dužini 390 i širini šest metara. Investitor je Općina Ilidža. Radovi su povjereni firmi Ado trans d.o.o. Visoko, a vrijednost je 187.000,00 KM. Asfaltirana je i ulica Lamekanija od br. 7 do spoja sa ulicom Himze Mekića u dužini 170 metara i širini tri metra. Općina Ilidža je za ove radove izdvojila 14.000 KM, a radove je izvodila firma GP ing d.o.o.

Završeno je i asfaltiranje ulice Igmanska cesta od br. 89 do br. 97 u dužini 170 metara i širini četiri metra. Investitor je Općina Ilidža, a izvođač radova je bila firma GP ing d.o.o. Vrijednost radova je 26.000,00 KM.

U projektu koje finansira Općina Ilidža u omjeru 70 posto i građani 30 posto završeno je asfaltiranje ulice Osik 684-696. Radnici firme GP ing d.o.o okončali su radove u dužini 126 metara i širini tri metra. Vrijednost ovog projekta je 12.000,00 KM. U dužini od 46 metara i širini tri metra, također u projektu 70 posto Općina i 30 posto građani, asfaltirana je ulica Butmirski vrtovi 28-32. Izvođač radova je firma GP ing d.o.o., a vrijednost radova je 4.500,00 KM. Od broja 14-16 završeno je i asfaltiranje u istoj ulici, u dužini od 37 metara. Radove su izvodili radnici firme GP ing d.o.o., a izdvojeno je za ove poslove 3.280,00 KM.

Okončano je asfaltiranje i ulici Spomenik 6-22. Dužina je 160 metra, širina tri. Izvođač radova je bila firma GP ing d.o.o., a koštali su 16.000,00 KM.



## Uređena nova saobraćajnica platanima

**U**z obalu rijeke Željeznice na novoj saobraćajnici od ulice Dr. Mustafe Pintola do mosta Alije Izetbegovića zasadeno je 180 platana. Ovaj projekat finansira Općina Ilidža, a za ove namjene izdvojeno je oko 25.000 KM.

Zasadeno je i po deset platina u ulici Hipodrom i Poligonska u Butmiru.

Prilikom odabira sadnog materijala vodilo se računa da budu zastupljene vrste otporne na uslove povećanog aerozagađenja, kao i da svojim karakteristikama (veća lisna masa) vrše značajniju funkciju apsorpcije ugljen dioksida, te zadržavanja prašine. Cilj projekta je, uređenje šetnice, a i stvaranje zastora koji će u budućnosti vršiti apsorpciju zraka, što omogućava bolje uslove življenja.

Pored ovoga, ostvaruje se i estetsko-dekorativna funkcija. Ovim putem apelujemo na građane da se odgovorno ponašaju prema novoposađenim sadnicama.



## Obavještenje

**F**ederalno ministarstvo energije, rudarstva i industrije objavilo je javni poziv za kandidovanje Programa utroška sredstva trajnog revolving fonda kod UNION banke d.d. Sarajevo za dugoročno finansiranja projekata putem dodjele kredita za 2019. Javni poziv zajedno sa programom utroška sredstva trajnog revolving fonda možete preuzeti sa stranice [www.fmeri.gov.ba](http://www.fmeri.gov.ba)





# Potočare posjetilo 750 osnovaca



U cilju odavanja počasti žrtvama genocida već 12 godinu zaredom, Općina Ilidža organizovala je posjetu učenika ilidžanskih osnovnih škola Memorijalnom centru Potočari. Na put u Potočare u ranim jutarnjim satima 25. aprila 2019. godine, u 15 autobusa u pratnji policije, nastavnika i predstavnika Općine, krenulo je 750 učenika sedmih razreda iz 12 osnovnih škola sa područja općine Ilidža. Učenike, nastavnike, predstavnike roditelja i organizatore uoči polaska ispratili su roditelji i direktori škola i zaželjeli im sretan put. U okviru posjete, pored odavanja počasti žrtvama genocida učenjem Fatihe i polaganjem cvijeća, obilaska Memorijalnog centra i mezarja, za učenike je organizovan čas historije na kojem su se upoznali o stravičnom zločinu nad Bošnjacima u tadašnjoj enklavi Srebrenica te projekcija filma „Srebrenica 95“, obilazak izložbe i spomen sobe, a pručena je i Jasin dova za sve stradale.

Srebrenica, juli, devedeset peta godina.

Deseti put se vrši genocid nad ovim narodom.

Deseti put teku potoci krvi bosanske.

Zar je naša krv tako jeftina samo zato što smo drugačiji, što svoje ne damo a tuđe nećemo, samo zato što smo se Gospodaru svome na odanost zavjetovali.

Marama na glavi čestite srebreničke majke za zlotvora je bila povod da joj čast oduzme.

Sa majčinih grudi trgao je krvnik tek rođene bebe, davio i bacao u jame.

Bebe koje su nosile simbol novog života za njih su predstavljale opasnost.

Oronuli starci u klaonice odvođeni, krivi samo zato što u amanet svojim potomcima ostavljaju istinu.

Imena pogrešnih za silnika, golobradi mladići odvođeni u smrt nisu imali priliku za još jedan zagrljaj svojih najmilijih.

Tog mračnog jedanaestog jula, 8372 duše vratiše se svome Gospodaru, reče kustos Memorijalnog centra.

Za sve učenike, pored prevoza, Općina je obezbjedila sendviče, napitke i medicinsku pratnju za koju je bilo

zaduženi „Paramedic“ i Dom zdravlja Ilidža sa svojim vozovima i medicinskim ekipama. Kao tehnička podrška i pratnja bila je i ekipa Gorske službe spašavanja Ilidža.

Sa ovom posjetom, do sada, Memorijalni centar u Potočarima posjetilo oko 8500 učesnika osnovnih škola sa područja općine Ilidža. Ovaj humani i edukativni projekat finansirala je Općina Ilidža, a koji će se i u buduće nastaviti.







## Uskoro jednokratne pomoći za novorođenčad

**O**pćina Ilidža uskoro će dodijeljivati jednokratne novčane pomoći za novorođeno dijete.

Donesen je Pravilnik o utvđivanju prava i dodjeli jednokratne pomoći za novorođeno dijete na području općine Ilidža. Svrha donošenja Pravilnika jest ublažavanje teške ekonomske situacije mladih kao i želja za podizanjem nataliteta. Općina Ilidža želi konkretnim mjerama bar malo stimulirati žene na rađanje. Pravo na jednokratnu novčanu pomoć u iznosu od po 200 KM priznat će se za svako novorođeno dijete, ukoliko bar jedan od roditelja ima prijavljeno mjesto prebivališta na području općine Ilidža, a i za porodilje koje imaju status raseljenog lica i boravak na području ove općine.

Žene koje ispunjavaju kriterije za ostvarivanje ovog prava dostavljat će kopiju lične karte, uvjerenje o kretanju za oba partnera, prijavu prebivališta za oba roditelja, izvod iz matične knjige rođenih za dijete i tekući račun.



## Trg u Hrasnici dobio ime Trg Hrasničkog bataljona

**S**kupština Kantona Sarajevo na osmoj redovnoj sjednici, održanoj 14. maja 2019. godine, donijela je Odluku

da trg u MZ Hrasnica I, između ulica Šehitluci od broj 11-23 i ulice Put Famosa od broja 23-29, ubuduće nosi naziv Trg Hrasničkog bataljona.

Četvrta viteška brigada, Podružnica VII i I MTB su pokrenuli ovu inicijativu a istu su podržali Savjet MZ Hrasnica I, Komisija Vijeća za saradnju sa drugim općinama, priznanja, praznike i obilježavanje značajnih događaja i ličnosti kao i Općinsko vijeće Ilidža donošenjem Zaključka na 18. sjednici održanoj 27. 09. 2018. godine.



## Prevenција, spriječavanje i ublažavanje negativnih posljedica migracije na području općine

**P**revenција i spriječavanje problema i ublažavanje negativnih posljedica migracije na području općine Ilidža, 04. aprila 2019. godine bila je tema sastanka održanog u Općini Ilidža kojeg je organizirala Komisija za sigurnost Općinskog vijeća Ilidža.

Riječ je uglavnom o tranzitiranju migranata ka zapadnim zemljama i tek u zadnjih mjesec dana, povećan određeni broj takvih migracija, bilježi se u Kantonu Sarajevo. Migranti su iz Sirije, Libije, Afganistana, Palestine, Pakistana, Alžira, Maroka, Iraka, Irana, Tunisa i drugih zemalja.

Predstavnici Ministarstva za sigurnost BiH, Ministarstva za ljudska prava BiH, MUP-a Kantona Sarajevo, Službe za poslove sa strancima BiH, upoznali su prisutne sa problematikom sa kojom se suočavaju na terenu kad su u pitanju migranti, njihovom smještaju, kretanju, registraciji, zdravstvenoj zaštiti i ljudskim pravima.

Svi sudionici su bili složni u ocjeni da BiH i druge balkanske zemlje ne mogu same riješiti problem neregularnih migracija, te da je neophodan veći angažman EU-a.

Općina Ilidža odnosno Općinsko vijeće će se u okviru domena svoje nadležnosti uključiti u sve vidove pomoći u rješavanju ovog pitanja.





## Besplatno mjerenje šećera i krvnog pritiska

**U**друženje obiteljska pomoć Ilidža, 8. aprila 2019. godine u holu Općine Ilidža organizovalo je besplatno mjerenje šećera u krvi i krvnog pritiska za građane općine Ilidža, a u povodu obilježavanja Svjetskog dana zdravlja. Ovom i ovakvim akcijama omogućava se građanima da provjere riziko-faktore.



## Podijeljeno 125 paketa

**U**red "Lige muslimanskog svijeta" u Sarajevu je jedna od institucija koja podliježe upravi čije je sjedište u Kraljevini Saudijskoj Arabiji. U sklopu projekta i programa koje Ured implementira u toku mjeseca Ramazana je i program podjele prehrambenih paketa socijalno-ugroženim kategorijama stanovništva.

Predstavnici Ureda u saradnji sa predstavnicima Općine Ilidža podijelili su 125 paketa porodicama koje su u stanju socijalne potrebe. Paketi su dijeljeni na osnovu spiska korisnika koje je nadležna Općinska služba napravila.

Predstavnik Ureda je je istakao zadovoljstvo organizacijom podjele i naveo da će i u budućnosti kroz druge projekte pomagati Općini Ilidža.

Načelnik Općine Ilidža prof. dr. Senaid Memić zahvalio je u ime sugrađana koji su dobili pomoć i istakao da će u narednom periodu Općina zajedno sa Regionalnim Uredom lige muslimanskog svijeta u BiH pokušati realizovati još neke značajne projekte kojim se oni bave.



## "Budimo i savjesni građani općine Ilidža"

**Z**bog povećanja bezbjednosti učesnika u saobraćaju i sprečavanju nepropisnog parkiranja na području općine Ilidža Komisija za sigurnost Općinskog vijeća u saradnji sa Petom policijskom upravom Ilidža će u periodu od 27. maja do 04. juna 2019. godine provesti kampanju "Budimo i savjesni građani općine Ilidža".

Kampanja je počela 27. maja 2019. godine ispred zgrade Općine Ilidža, ul. Butmirska cesta br. 12. gdje je bio prisutan i načelnik Pete policijske uprave Ilidža Džafer Hrvat i članovi Komisije za sigurnost.

Kampanja će se provoditi u sljedećim ulicama: Butmirska cesta, dr. Mustafe Pintola, Mala aleja, Ibrahima Ljubovića, Rustempašina, Ustanička i Emira Bogunića Čarlija.

Cilj kampanje je preventivno djelovanje i buđenje svijesti kod građana, kako bi sigurnost svih učesnika u saobraćaju bila podignuta na veći nivo. Primjerom dobre prakse i saradnje Policijske uprave i lokalne zajednice ovom kampanjom želi se pokazati da nije cilj samo represivno, odnosno kažnjavati građane, već unaprijediti bezbjednost u saobraćaju, promovisati saobraćajnu kulturu, a ujedno i prevenciju u bezbjednosti saobraćaja, zaštitu životne sredine kroz smanjenje negativnih utjecaja uzrokovanih saobraćajem.

## Podijeljeno 100 paketa

**U**друženje boraca branitelji Stupa u saradnji sa načelnikom Općine Ilidža 25. maja podijelili su 100 paketa građanima. Donator je Qatar charity. Dodjelom prehrambenih paketa pokušali su se ublažiti negativni efekti siromaštva, stanovnicima pružiti jednokratnu pomoć u mjeecu Ramazanu, a i ukazati im da nisu sami. Paketi sadrže osnovne prehrambene artikle.







## Obilježen 14. maj- Dan odbrane Ilidže 2

U organizaciji JOB-a Općine Ilidža-Unija veterana, Četvrte vитеške brigade i Općine Ilidža 14. maja 2019. godine održan je tradicionalni Memorijalno-historijski susret „Odbrana Ilidže 2“.

Na mjestu bitke kod Ljetne pozornice cvijeće su položili i proučili Fatihu u znak poštovanja i sjećanja na poginule, predstavnici Općine, JOB-a, delegacija Koordinacija boračkih udruženja, kao i članovi porodica šehida i poginulih branitelja.

Fikret Prevljak, komandant Četvrte vитеške motorizovane brigade prisjetio se 14. maja 1992. godine i pozvao prisutne da njeguju uspomene na šehide i poginule borce.

“Tu smo da obilježimo Memorijalno - historijski susret pod nazivom „Odbrana Ilidže 2“, da još jedanput i svi zajedno iskažemo naše poštovanje prema našim borcima - braniteljima Ilidže i Bosne i Hercegovine, da se prisjetimo izuzetno važnih događaja koji su se odvijali upravo na ovim prostorima u toku teških i krvavih ratnih godina i na taj način, nastavimo sa njegovanjem historije naše borbe protiv agresije na Bosnu i Hercegovinu. Tog 14. maja 1992. na ovom mjestu vodila se najznačajnija bitka za odbranu ilidžanskih teritorija. Osim bitke, taj 14. maj ostao je upamćen i kao događaj kada su snage UNPROFOR-a mirno ćutale i posmatrale, a to nisu smjele. Tada su pripadnici UNPROFOR-a svojim transporterom, 15. maja, povezele teško ranjene Anesa Bučana, Jagoda Galešić i Ismeta Osmanovića preko ilidžanske

teritorije u bolnicu Koševo. Tog četvrtka, slabo naoružani borci, heroji odbrane, stupili su u ratni okršaj sa mnogo jačim naprijateljem, odlučni u toj borbi da daju i svoje živote. Ovo organizujemo najviše zbog generacija koje dolaze, kako bismo kazali šta se to dešavalo u najtežim ratnim krvavim godinama naše historije, a što ne mogu djeca učiti u svojim



školama” rekao je između ostalog general Fikret Prevljak, komandant Četvrte vитеške motorizovane brigade.

Iako postoji mnoštvo dokaza, niko do sada nije odgovarao za ovaj zločin. Sanja Galešić, kćerka Jagode Galešić, je podnijela krivičnu prijavu protiv nepoznatih počinitelaca tužilaštvu BiH. Nakon sprovedene istrage i saslušanih više lica, Bošnjaka i Srba, Tužilaštvo BiH je predmet „Transporter“ prosljedilo Tužilaštvu Kantona Sarajevo na dalje postupanje.

Sa ovog mjesta pozivamo, u ime svih porodica ubijenih i u ime svih građana Općine Ilidža, glavnu tužiteljicu Kantona Sarajevo da što prije provede istragu, u skladu sa zakonom, te izvršioci budu kažnjeni, rečeno je na ovom skupu.

Tog 14. i 15. maja 1992. godine herojski su položili svoje živote:

Agović Sado, Berilo Edin, Brkić Ivan, Bučan Anes, Čehić Jasmin, Dedić Salko, Džaferović Elmir, Feratović Avdulj, Galešić Jagoda, Granulo Nedžad, Hasanbegović Samir, Hodžić Sead, Holjan Asim, Hrnjičić Smail, Husić Eniz, Husref Ramo, Kahvić Elzedin, Kurudija Husein, Lindov Mujo, Lokvančić Hilmo, Memija Sead, Mulaosmanović Nihad, Mušanović Murat, Muzur Ibrahim, Opanković Haris, Osmanović Ismet, Suljević Rasim i Zorlak Esad.

## Obilježen 22. april, Dan odbrane Ilidže

U znak sjećanja na 22. april 1992. godine, datum kada se vodila jedna od najznačajnijih bitaka za grad Sarajevo, te odbranjena naselja Sokolović -Kolonija, Hrasnica i Butmir, nizom prigodnih aktivnosti u organizaciji Općine Ilidža i Patriotske lige Ilidža obilježen je Dan odbrane ove općine, 22. april.



Brojne delegacije položile su cvijeće ispred Centralnog spomen-obilježja kod općine, ratne bolnice “Čamil Marić u Hrasnici te ispred Pete osnovne škole na spomen-obilježje.

Organizirana je i memorijalna šetnja na relaciji Institut (vila Dalmacija) - Peta osnovna škola, a na platou ispred te škole u Sokolović Koloniji održana je centralna manifestacija obilježavanja Dana odbrane Ilidže, te akademija “Odreda 22. april - 3. Motorizovane brigade (mtbr) i svečana sjednica Savjeta MZ Sokolović Kolonija.

Tog 22. aprila 1992. momci iz mahale probudili su se iz jednog divnog sna, slobode i jednakosti iz priče koja osta bajka. Taj svijet u kojem su živjeli pokazao je pravo lice. Naši gradovi postadoše, logori. Ali hrabri momci iz Sokolovića, Butmira i Hranice, naši očevo i sinovi sačuvaše ta naselja, sačuvaše da ne postane druga Srebrenica. Zato danas naša djeca mogu da pišu i pjevaju o svojoj Boni. Ove godine su učenici Pete osnovne škole pisali temu šta znači za njih 22. april? Nagrađeni su i najbolji Lamija Fatić i Sajra Dedić.

Načelnik Općine Ilidža prof. dr. Senaid Memić obraćajući se na ovom događaju istakao je da generacije koje dolaze ne smiju zaboraviti šta su uradile gazije sa ovih područja. Potom su učenici iz Pete osnovne škole pustili golubove mira kao poruku da su u ova naselja dobro došli svi koji su za mir, a ujedno i da se rat više nikom ne dogodi.

Domovina se čuva i voli i sa njenom budućnošću nema pogodbe. To je naša jedina država, za koju je prolivena krv i ne zaboravite hrabre sinove poruka je sa ovog skupa!





## Obilježana 27. godišnjica pogibije Hajrudina Klepe

U organizaciji Općine Ilidža i Udruženja organizatora otpora veterana rata, dobrovoljaca, prvoboraca i branilaca Zelene beretke u prisustvu rodbine, prijatelja, saboraca, predstavnika boračkih udruženja i Općine, 11. aprila je obilježena 27. godišnjica pogibije šehida Hajrudina Klepe. Članovi porodice Hajrudina Klepe, delegacije Općine, Zelenih beretki i Četvrte viteške brigade položili su cvijeće na mezar i kod mjesta pogibije na spomen-obilježju i proučili Fatihu i odali počast ovom šehidu.

Rahmetli Hajrudin se među prvima priključio Zelenim beretkama i aktivno se uključio u akciju izuzimanja oružja i MTS-a iz baze u Krtelju. Prilikom jednog od mnogobrojnih ulazaka u bazu u pokušaju da osposobi transporter, poginuo je od snajperskog hica.

Prisutnima se obratio komandant Četvrte viteške brigade general Fikret Prevljak.

“Među prvima se priključio organizaciji Zelenih beretki. Aktivno se uključio u akciju izuzimanja oružja MTS-a iz baze, koju su na poziv SDS-a napustili pripadnici koji nisu osjećali BiH kao svoju domovinu. U naselju su napravljeni punkтови i prihvatna mjesta za prikupljanje izuzetnog oružja i MTS-a. Mi ćemo čuvati uspomenu na ovog hrabrog momka koji je život dao da bi mi danas ovdje bili” rekao je Fikret Prevljak.



## Obilježen Dan logoraša općine Ilidža

Polaganjem cvijeća ispred spomen-ploče na Srednjoj tehničkoj školi, grafičkih tehnologija, dizajna i multimedije, 13. maja 2019. godine, obilježen je Dan logoraša općine Ilidža pod nazivom „Zaboraviti zločin, ravno je zločinu“. Cvijeće su položili delegacije Općine Ilidža udruženja logoraša općina Ilidža, Stari Grad, Centar i Novi Grad, Udruženje žrtava rata Foče 92-95 i Koordinacija boračkih udruženja općine Ilidža. Mnogobrojnim prisutnim obratio se predsjednik Udruženja Asim Zulić koji se zahvalio prisutnim na njihovom dolasku i poručio da je potrebna veća materijalna potpora ovoj kategoriji društva koja još uvijek nema zakonski okvir, kojim bi riješili svoja statusna pitanja. Na području općine Ilidža tokom agresije bilo 12 logora kroz koje je prošlo 807 logoraša koji su nevini ljudi zvjerski mučeni i ubijani, a počiniozi zlodjela nisu otkriveni i procesuirani. Prigodan program izveli su učenici Prve osnovne škole.



## Obilježeno 27. godišnjica DIO Fikro

U organizaciji Udruženja Četvrta viteška motorizovana brigada 9. aprila 2019. godine obilježena je 27. godišnjica formiranja Diverzantsko-izviđačkog odreda “Fikro.” Položeno je cvijeće na spomen-stećak ovog odreda u Hrasnici, mezarje Emina Bogunića Čarlija i Edhema Eke Džumbhura.

Bila je ovo prilika da se sretnu nekadašnji divezanti, prisjete se svih svojih suboraca, koji više nisu sa nama i posvjedoče svojim prisustvom da imaju potomke, porodice kojima su u amanet ostavili sve ono, za šta su se borili i izborili.

Danas, 27. godina poslije, general Fikret Prevljak, opet je na čelu kolone i kaže:

“Svoje živote za odbranu Ilidže i Sarajeva dala su 72 pripadnika. Diverzanti su dali ogroman doprinos u odbrani ovih naselja i bili su garancija sigurnosti narodu na ovim područjima. Kada su trebali ići na druge ratišta stanovnici se nisu osjećali sigurno, jer su u njih gledali kao zaštitnike. Bili su složni i jedinstveni, a nadasve hrabri” poručio je Prevljak, te zahvalio svima koji su došli da potvrde da njihove zasluge nisu zaboravljene” poručio je Prevljak.

U Domu kulture u Hrasnici su uručene i zahvalnice nekadašnjim diverzantima: Hismetu Đalturu, Akifu Kahviću, Muratu Letiću, Fikretu Bajiću i Arifu Kosi, a dodijeljene su i počasne plakete porodicama šehida i porodicama poginulih boraca diverzanata.







## Sjećanje na šehide i poginule borce

U organizaciji Udruženja „Žene Kasindolske 92“, Udruženja boraca Prve samostalne brigade Sarajevo i Općine Ilidža, 14. maja 2019. godine obilježen je Dan odbrane Ilidže, godišnjica formiranja Prve samostalne brigade Sarajevo, Dan stradanja građana Kasindolske ulice kao i Dan mjesne zajednice Stup II. Položeno je cvijeće na mjesto zarobljavanja stanovnika Kasindolske ulice i na centralno spomen obilježje na Stupu. Na taj način odata je počast šehidima i poginulim borcima koji su dali svoje živote za odbranu Ilidže i Bosne i Hercegovine. Nakon toga, u prisustvu boraca, rodbine, prijatelja, predstavnika boračkih udruženja i Općine u prostorijama Mjesne zajednice Stup II održan je historijski čas u povodu obilježavanja 27. godišnjice formiranja Prve samostalne brigade Sarajevo. Organizovan je prigodan program na kojem su evocirane uspomene na slavni put ove brigade. O značaju brigade prisutnim je govorio Bajro Čolo.

Prva samostalna brigada zvanično je formirana 19. maja 1992. godine od veće postojećih jedinica sa područja ilidžanskih mjesnih zajednica Otes, Stup, Stup II i Stupsko brdo koje su joj bile zona odgovornosti. Brigada je bila nosilac odbrane ovih prostora i sudjelovala je u svim defanzivnim i ofanzivnim borbenim aktivnostima na ovom važnom pravcu odbrane grada Sarajeva i države Bosne i Hercegovine. Prigodan program izveli su učenici Prve osnovne škole.



## Zahvalnice zaslužnim pojedincima i udruženjima

U povodu obilježavanja 25 godina postojanja i djelovanja Organizacije porodica šehida i poginulih boraca Općine Ilidža 17. aprila 2019. godine u Multimedijalnoj sali na Ilidži održana je Svečana skupština na kojoj su dodijeljene zahvalnice zaslužnim pojedincima i udruženjima za doprinos u radu ovog udruženja. Zahvalnice su dobili Služba za boračka pitanja Općine Ilidža za nesebičan doprinos u radu organizacije i pružanju pomoći porodicama šehida i poginulih boraca, te Udruženje dobitnika najvećih ratnih priznanja „Zlatni ljiljan“ i „Zlatna policijska značka“ Ilidža i Udruženje ratnih vojnih invalida Ilidža. Za podršku u radu Organizacije porodica šehida i poginulih boraca Općine Ilidža zahvalnice su uručene i pojedincima, generalima Jovanu Divjaku i Fikretu Prevljaku, načelniku Općine Ilidža prof. dr. Senaidu Memiću, pomoćniku načelnika Službe za boračka pitanja Općine Ilidža Mirsadu Sinanoviću i stručnom saradniku Senadu Memiću.



## Obilježena godišnjica odbrane Stojčevac

U organizaciji Udruženja 2. motorizovani bataljon 4. viteške motorizovane brigade i Općine Ilidža u prisustvu boraca, članova porodica šehida i poginulih boraca, predstavnika Općine, učenika i brojnih građana, 15. maja 2019. godine, održan je historijski sat „Odbrana Stojčevca“. Na spomen-obilježje Stojčevac, poginulim borcima Harisu Opankoviću, Nedžad Granulu-Gigiju položeno je cvijeće, proučena Fatiha i odata počast i dužno poštovanje svim šehidima i poginulim borcima. Cvijeće je položeno i ispred spomen-obilježja ispred Doma kulture u Hrasnic. Tog 15. maja 1992. godine nakon povlačenja snaga UN-a, agresor je krenuo u osvajanje Stojčevca strateški najvažnijeg mjesta za odbranu Ilidže, Sarajeva, a i Bosne i Hercegovine. U tome su ih, nakon teških i krvavih borbi, spriječili borci 104. motorizovane brigade Armije RBiH i sačuvali ovaj strateški značajan prostor. Od tog dana svakodnevno su se vodile žestoke borbe sa agresorom za očuvanje ovih teritorija, pa je ovaj datum simbol svih tih bitaka, dan sjećanja na sve šehide i poginule borce koji su dali svoje živote za slobodu i odbranu ove teritorije i cijele Bosne i Hercegovine. Ovaj značajan datum je ujedno i godišnjica formiranja 2. motorizovanog bataljona 4. viteške motorizovane brigade i Dan mjesne zajednice Hrasnica II, koji su tradicionalno obilježeni nizom kulturno-sportskih manifestacija. Tim povodom održan je svečana akademija u Domu kulture Hrasnica i memorijalni turnir u malom nogometu „Haris i Gigi“ na kome su učestvovali učenici osnovnih škola sa Ilidže.







## Tehničari Druge osnovne škole osvojili prvo mjesto

**D**omaćin 20. Smotre i takmičenja naučno-tehničkog stvaralaštva mladih općine Ilidže, koje je održano 13. aprila 2019. godine bila je Deseta osnovna škola. Na takmičenju su učestvovali učenici iz 11 osnovnih škola sa područja općine Ilidža. Svaku školu predstavljalo je po pet učenika od petog do devetog razreda. Prvo mjesto osvojili su tehničari Druge osnovne škole koju su predstavljali Ibrahim Alić, Umihana Muslić, Erna Opačin, Benjamin Čimpo i Adna Durmo. Drugo mjesto pripalo je ekipi Prve osnovne škole za koju su se takmičili Sadina Hasanović, Nejla Banda, Džejna Hodžić, Jasmin Čubrilo i Sara Hubijar, dok je trećeplasirana Deseta osnovna škola i njeni učenici Asja Aganović, Amina Anđelić, Nejra Lingo, Amna Salkić i Ilhana Duvnjak. Pobjednicima su uručeni pehari i diplome koji će općinu Ilidža predstavljati na kantonalnom takmičenju.



## Održan Sedmi internacionalni turnir u košarci za mlađe kategorije

**K**ošarkaški klub Impuls od 18. do 21. aprila 2019. godine uspješno je organizovao Sedmi internacionalni turnir u košarci za mlađe kategorije BASKET KUP ILIDŽA 2019. Na ovogodišnjem turniru učestvovalo je 85 ekipa iz Slovenije, Italije, Srbije, Bugarske, Mađarske, Crne Gore i Bosne i Hercegovine sa 1000 košarkaša i košarkašica. U tri dana turnira odigrano je 200 utakmica u kategorijama mini-basket, predpioniri, pioniri, kadeti i juniori. Utakmice su se igrale u salama KSC Ilidža, Hotela Hollywood, Ramiz Salčin i Dobrinja. Najboljim ekipama i pojedincima u svim kategorijama dodijeljeni su pehari i medalje.

## Takmičenje učenika osnovnih škola u odbojci, košarci i fudbalu

**N**akon kvalifikacionih utakmica u kojim su se takmičili osnovci iz 11 osnovnih škola sa područja općine Ilidža, a u organizaciji i pod pokroviteljstvom Općine Ilidža u KSIRC Ilidža, 9. maja 2019. godine odigrane su finalne utakmice općinskog takmičenja osnovnih škola u odbojci za djevojčice, a u košarci i fudbalu za dječake. U odbojci prvo mjesto osvojila je ekipa Druge osnovne škole koja je u finalu pobijedila ekipu Prve osnovne škole kojoj je pripalo drugo mjesto, a treća je bila ekipa Pete osnovne škole. U košarci prvo mjesto osvojili su učenici Desete osnovne škole, drugo Druge i treće košarkaši Osme

osnovne „Amer Čenanović”. Učenici Četvrtе osnovne škole prvaci su u fudbalu, drugi Prve osnovne škole i treći učenici Desete osnovne škole. Za najtalentovanijeg igrača turnira u nogometu proglašen je Abdulkerim Mehmedspahić iz Osme osnovne škole „Amer Čenanović”. Pobjednicima su uručene medalja i pehari.







## Načelnik Memić upriličio prijem za Fetahovića

**T**akmičar Bokserskog kluba Ilidža i reprezentativac BiH Adem Fetahović u Bijeljini je od 28-31. marta 2019. godine na takmičenju Europa kup u olimpijskom boxu na kojem je nastupilo 250 boksera iz 12 zemalja, osvojio zlatnu medalju u seniorskoj konkurenciji u kategoriji -69 kg. Fetahović je nedavno u Beogradu na takmičenju koje se održavalo od 16. do 20. aprila 2019. osvojio i srebro.

Tim povodom načelnik Općine Ilidža prof. dr. Senaid Memić 10. maja u u općini upriličio je prijem za ovog sportistu i njegovog trenera Almedina Fehatovića i uručio mu novčana sredstva u iznosu 2.000 KM.

“Čestitam na uspjehu i drago mi je da se naši Ilidžanci gdje god dođu predstave u najboljem i svijetlu i donesu



medalje. Vi ste najbolji ambasadori Ilidže. Raduje me vaš uspjeh i vaši rezultati me čine ponosnim. Vi i dalje se takmičite i osvajate medalje, a i ubuduće moja podrška je neupitna,” rekao je, između ostalog, načelnik Memić.



## Obilježen Dan Četvrtе gimnazije

**U**čenci i profesori Četvrtе gimnazije Ilidža 10. aprila 2019. imali su razlog za slavlje. Povodom Dana svoje škole učenici su pripremili priredbu te pjesmom, glumačkim performansom i plesom uljepšali ga.

Uručene su i zahvalnice svima koji su doprinijeli pozitivnoj promociji ove škole.

Inače, Četvrtu gimnaziju Ilidža pohađa 328 učenika, raspoređenih u 15 odjeljenja.

## Novi cvjetni dekori na Ilidži

**U**Općini Ilidža trenutno je akcija proljetnog hortikulturnog uređenja. Radovi na ukrašavanju zelenih površina novim sezonskim cvijećem, koje radnici “Parka” realiziraju od početka mjeseca na terenu se odvijaju bez ikakvih problema, a brojne cvjetne gredice već su pune novog cvijeća. Uređen je prostor kod zgrade Općine, banjski park kod hotela, a i u Hrasnici kod spomen obilježja, dobili su novi cvjetni dekor.

Najprije je uklonjeno staro cvijeće, izvršno prekopavanje i prihrana zemljišta, a nakon toga izvršena i sadnja novog sezonskog cvijeća u gredicama.



## Sokolović-Kolonija bez smeća

**P**ovodom 22. aprila Dana planete zemlje i Dana MZ Sokolović-Kolonija, 21. aprila u ovoj mjesnoj zajednici provedena je ekološka akcija čišćenja naselja, a posebno lijeve obale rijeke Željeznice od mosta Alije Izetbegovića, prema ratnom mostu.

Akciju su organizovali Savjet MZ Sokolović-Kolonija i Udruženje “Iskon” u saradnji sa Petom osnovnom školom i Richmond Park College Sarajevo. Ovoj akciji odazvali su se i građani MZ Sokolović-Kolonija, kao i vijećnici iz ovog naselja.







## “Značaj sistematskih pregleda i vakcinacija djece“

Općina Ilidža u okviru implementacije Gender akcionog plana organizovala je okrugli sto “Značaj sistematskih pregleda i vakcinacija djece“ koji je održan 04. aprila 2019. godine u Multimedijalnoj sali Općine Ilidža.

Predavači na okruglom stolu su bili dr. Enes Šaćić - spec. epidemiolog, dr. Sabiha Jahić - spec. pedijatar koji su svojim izlaganjima dali stručna objašnjenja iz ovih oblasti bitnih za zdrav život i razvoj, kako djece, tako i odraslih.

Tema koja u posljednje vrijeme sve više zaokuplja pažnju roditelja jeste vakcinacija djece. I dok zdravstveni radnici vakcine smatraju ključnim u prevenciji zaraznih bolesti, sve više je roditelja koji vakcinaciji/imunizaciji odlučno kažu, ne. Vakcinisanost djece je u padu zbog straha roditelja od komplikacija vakcinacije. Smatraju da njihovo dijete nije u realnoj opasnosti od bolesti protiv kojih se vakciniše i zbog toga se ne osjećaju obaveznim da ga vakcinišu. Dalji razlog pada stope vakcinisanosti je nepovjerenje u državni sistem u bilo kom segmentu, pa tako i u zdravstvu.

Ljudi koriste medije za širenje pseudoznanstvenih podataka i dokaza, osporavajući zvanična medicinska stajal-



išta. Odsustvo imunizacije stanovništva nosi veliki rizik od epidemija. Pojedinačni slučajevi neželjenih dejstava vakcinacije predstavljaju manji rizik od onog proisteklog iz odsustva imunizacije, istaknuto je na okruglom stolu.

Vakcinacija je u Bosni i Hercegovini zakonska obaveza, za roditelje i za zdravstvene radnike. Imunizacija se obavlja za bolesti dječija paraliza (poliomijelitis), tuberkuloza, difterija, tetanus, veliki kašalj (pertussis), morbili (ospice), rubeola, zaušnjaci (parotitis), hepatitis B i bolesti uzrokovane Haemophilus influenzae tip B - HiB. Svake godine se donosi Naredba o obaveznim imunizacijama, koju kako su rekli učesnici, smo obavezni poštovati.

## Mališani vrtića JU “Lužani” u posjeti načelniku Memiću

U kabinetu načelnika Općine Ilidža prof. dr. Senaida Memića 5. aprila 2019. upriličen je prijem za posebne goste - mališane iz vrtića JU “Lužani.”

Cilj posjete je bio saznati šta radi i kakve obaveze ima načelnik općine, kako izgleda njegov radni dan, kako i na koji način brine o Ilidži.

Nakon što su izveli program koji su pripremili za načelnika, uručili su mu čestitku za 6. april, Dan oslobođenja Sarajeva, koju su sami pravili za rođendan svom gradu. Načelnik je svoje goste počastio kolačima, koji su ih obradovali.



## Ekipa Druge osnovne škole druga u Kantonu iz pružanja prve pomoći

Takmičenje iz pružanja prve pomoći održano je u Osnovnoj školi “Malta” 20. aprila a učešće su uzele dvije ekipe sa Ilidže, Druga osnovna škola u kategoriji podmlatka i Međunarodna gimnazija “Richmond Park Secondary School” u kategoriji omladine. Takmičenje se odvijalo na osam poligona na kojima su ekipe pokazale svoje znanje. Ekipa Druge osnovne je osvojila drugo mjesto, a ekipa srednje škole prvo mjesto, te se time plasirala na predstojeće Federalno takmičenje koje će se održati 08. juna 2019. godine.







## Buco nije zaboravljen

**D**okumentarni film "Buco" je biografska priča o rahmetli prof.dr. hadži Senadu Turkoviću -Buci velikom čovjeku, kosmopoliti, humanisti, paraolimpijcu koji je prikazan 25. aprila u Multimedijalnom centru Ilidža

Film govori o životu i djelu velikog patriote i čovjeka koji je bio inspiracija generacijama studenata Fakulteta tjelesnog odgoja Univerziteta u Sarajevu. Profesor Turković preminuo je 14. jula 2016. godine u Istanbulu.



## KUD "Ilidža" predstavili dostojno Ilidžu u Saudijskoj Arabiji

**M**jesec mart u Saudijskoj Arabiji je protekao u znaku King AbdulAziz Camel Festivala koji je organizirao World Folk Vision u saradnji sa World Ethno Games i Nomad Universeom. Za prezentaciju kulture i tradicije zemalja učesnica, napravljene su dvije ogromne pozornice sa fantastičnom tehničkom podrškom. Na poziv World Folk Visiona, našu zemlju na ovom festivalu, su predstavili članovi muzičke sekcije udruženja KUD Ilidža u periodu od 09. marta 2019. - 24. marta 2019. i uspjeli se plasirati u finale ovog prestižnog takmičenja u konkurenciji 94 različite nacije iz cijelog svijeta koje su pored tradicionalne muzike, prezentovale i svoje narodne običaje, kostime, folklor, suvenire, kulturno-historijske znamenitosti svoje zemlje itd. Svaki dan je u kompleksu Nomad Universe na raznim kulturnim performansima i sportskim takmičenjima učestvovalo blizu 2000 ljudi, a po podacima organizatora festivala, svaki dan je ovaj festival u prosjeku posjetilo oko 25.000 ljudi iz Saudijske Arabije, Egipta, Katara, Kuvajta, Omana, Iraka, Irana, Jemena, Ujedinjenih Arapskih Emirata, Bahreina itd.

Muzičari KUD Ilidža su plijenili pažnju našom tradicionalnom muzikom, napjevima, sevdalinkama kao i duhovnom muzikom svih naroda BiH o čemu govori podatak da su se sa ovog putovanja vratili kao finalisti ovog takmičenja te sa nekoliko poziva za učešće na festivalima koji će se ove i slijedeće godine održavati u Srbiji, Italiji, Maroku, Kamerunu, Poljskoj, Mađarskoj i Bugarskoj. Važno je napomenuti da je tokom ovog festivala naša zemlja postala članica važnih svjetskih organizacija iz oblasti sporta i kulture kao što su WEC (World Ethnogames Confederation) i ICO (International Camel Organization).



## Promovisana Salkićeva knjiga "Godine borbe za slobodu, čast i dostojanstvo"

**U**organizaciji Općine Ilidža i Srednje škole grafičkih tehnologija, dizajna i multimedija 9. aprila u Multimedijalnoj sali, pred velikim brojem građana i učenika promovisana je knjiga "Godine borbe za slobodu, čast i dostojanstvo" autora Ramiza Salkića, potpredsjednika RS-a. Knjiga se bavi analizom i položajem Bošnjaka u bosansko-hercegovačkom entitetu Republika Srpska.

U knjizi se analiziraju svi problemi Bošnjaka u RS, dokazi o diskriminaciji svih ovih godina. Knjiga nudi i rješenja za probleme koje imamo kao narod. Jedan od recenzenata knjige je novinar Samir Karić koji je rekao da autor kroz ovu knjigu donosi najtemeljitiji prikaz položaja i stanja Bošnjaka u ovom bh. Entitetu.

„Sve ono što građani žele znati o problemima Bošnjaka, od ustavne pozicije, napada na povratnike, diskriminacije, nemogućnosti zapošljavanja, preko pozicije u vlasti i konstitutivnosti, do negiranja identiteta, bosanskog jezika, negiranja genocida i veličanja ratnih zločinaca, sadržano je u ovoj knjizi „kazao je Karić.

„Želio sam da ostane zabilježeno ono kroz šta prolaze Bošnjaci i svi nesrbi na prostoru entiteta RS, da ostane zabilježena ta sistemska diskriminacija u kojoj se mi trenutno nalazimo te da ostane zabilježen i na neki način analiziran ustavni položaj Bošnjaka na ovom prostoru" izjavio je Salkić. Kako je dodao, želio je na neki način da pošalje poruku da se to stanje mora promijeniti te da se taj prostor konačno mora otvoriti i biti prostor svih građana u kojem će svi građani imati jednaka prava i jednake mogućnosti.





Na osnovu člana 3. Pravilnika o utvrđivanju uslova, kriterija i postupka za izbor najljepšeg dvorišta i balkona sa cvijetnim aranžmanom, Broj:02-02-2172/19 od 20. 05. 2019. godine, a u cilju očuvanja tradicije ilidžanskih cvijetnih bašči i parkova, podizanja svijesti građana o značaju uređenja i brige o sopstvenom dvorištu, ulici, mjestu i njegovoj čistoći, očuvanju životne sredini, a što će doprinijeti i boljoj turističkoj ponudi, Općinski načelnik objavljuje:

## JAVNI POZIV ZA IZBOR NAJLJEPŠEG DVORIŠTA I BALKONA SA CVIJETNIM ARANŽMANOM NA PODRUČJU OPĆINE ILIDŽA

### I

Pozivamo sve zainteresovane građane da prijave svoja dvorišta i balkone na takmičenje za izbor najljepšeg dvorišta i balkona sa cvijetnim aranžmanom općine Ilidža.

Prijaviti se mogu svi zainteresovani građani koji imaju prebivalište na području općine Ilidža, osim uposlenika Općine Ilidža i njihovih bliskih srodnika sa kojima žive u zajedničkom domaćinstvu.

### II

Odluku o izboru najljepšeg dvorišta i balkona donosi Općinski načelnik na prijedlog Komisije koju će imenovati u tu svrhu, a koja će običi prijavljena dvorišta i balkone, sačiniti foto-dokumentaciju i ocijeniti ih prema sljedećim kriterijima:

- \* Održavanje i urednost dvorišta - balkona;
- \* Prostorni odnosi sadržaja u dvorištu - na balkonu;
- \* Uloženi trud, izbor i njegovanje biljaka, poštivanje tradicije i elemenata našeg podneblja;
- \* Ukupni estetski dojam.

### III

Za najljepše dvorište i balkon dodjelit će se po tri nagrade: prva, druga i treća u sljedećim iznosima:

za dvorište: za balkon

I nagrada 800 KM	I nagrada 600 KM
II nagrada 700 KM	II nagrada 500 KM
III nagrada 600 KM	III nagrada 400 KM

### IV

Svoje prijave možete poslati putem prijavnog obrasca kojeg možete preuzeti sa web stranice Općine: [www.opcinailidza.ba](http://www.opcinailidza.ba), u prostorijama MZ i info desku (šalter sala) Općine Ilidža.

Prijava treba da sadrži:

1. Ime i prezime;
2. Tačnu adresu, kontakt telefon ili e-mail adresu;
3. Za koju kategoriju natjecanja se prijavljuje (dvorište, balkon).

Zahtjevi se predaju putem pošte, na protokolu Općine Ilidža, ulica Butmirska cesta broj 12, sa naznakom za javni poziv za izbor najljepšeg dvorišta i balkona ili putem e-mail adrese [ilidzaturizam@gmail.com](mailto:ilidzaturizam@gmail.com)

Javni poziv ostaje otvoren do 20. 06. 2019. godine.

Sve dodatne informacije mogu se dobiti u Službi za privredu i turizam Općine Ilidža, III sprat soba 325 i na brojeve telefona 033 775 755, 775 754.

Želja nam je da bar na trenutak istaknemo u prvi plan ljude koji su odlični primjeri kako neko ličnim angažovanjem može doprinijeti da se njihov najbliži, komšije i slučajni prolaznici osjećaju prijatnije, a samim tim budu i mnogo raspoloženiji te da podjele ljepotu sa drugima.

**ZAHVALJUJEMO NA VAŠIM PRIJAVAMA I UČESTVOVANJU U OVOJ AKCIJI JER TIME DOPRINOSITE  
LJEPOTI I UGODNOJ ŽIVOTNOJ SREDINI, VJERUJUĆI DA ĆE UČESNICI SA OVOG TAKMIČENJA  
PORED NAGRADA PONIJETI I POZITIVNE EMOCIJE I ENERGIJU.**

OPĆINSKI NAČELNIK  
Prof.dr. Senaid Memić